



# SISA

Sulinermik Inuussutissarsiuteqartut  
Soraarnerussutisiaqalernissamut Aningaasaateqarfiat  
Arbejdstagernes Pensionskasse

---

## PENSIONSREGULATIVI

Ilaasortanut SIK-p isumaqatigiissutaasa avataaniittunut

**Januaari 2021**

### SISA

Sulinermik Inuussutissarsiuteqartut Soraarnerussutisiaqalernissamut Aningaasaateqarfiat  
Arbejdstagernes Pensionskasse

Cvr.nr. 36 52 22 32 • Issortarfimmut 11/102 • Box 9 • 3900 Nuuk  
Telefon: +299 32 40 22 (10:00-14:00) • Fax: +299 32 71 30 • E-mail: [sisa@sisa.gl](mailto:sisa@sisa.gl) • Internet: [www.sisa.gl](http://www.sisa.gl)

## **Pensionsregulativi ilaasortanut SIK-p isumaqatigiissutaasa avataaniittunut.**

### **§ 1. Ilaasortat**

Ilaasortatut, illuatungeriit Sulinermik Inuussutissarsiuqartut Kattuffiat aamma Naalakkersuisut kiisalu Finansministeriap isumaqatigiissutaannut imaluunniit isumaqatigiissutitut assingusunut ilaatinneqanngitsut, ilanngutsinneqarsinnaapput:

- a. Akissarsiaqartinneqartut suliffeqarfimmi soraarnerussutisiaqalernissamut aqqissuussinermut peqataasut Danmarkimi soraarnerussutisiaqalernissamut ingerlatsivimmut nalunaarsimallutik, taanna SISA-mik sulisut innersuunneqarnissaat pillugu isumaqatigiissuteqarluni, pineqartut soraarnerussutisiaqalernissamut aqqissuussinermik Kalaallit Nunaanni aningaasarsianit akileraarutit pillugit inatsit naapertorlugu akileraarutitut tunngatillugu ilanngussinnginnissamik pisinnaatitaaffeqalernissamik pilersitsisinnaasut aamma kissaateqartut.
- b. Akissarsiaqartinneqartut suliffeqarfiup soraarnerussutisiaqalernissamut aqqissuussineranut Kalaallit Nunaanni sulisitsisup aamma SISA-p akornanni isumaqatigiissutigineqarsimasumut ilaatinneqartut.
- c. Akissarsiaqartinneqartut allat taakku kattuffiit isumaqatigiissutaat imaluunniit isumaqatigiissutigisat tunngavigalugit soraarnerussutisiaqalernissamut akiliunneqartussaasut maleruaqqusat, naggammi siullermi isumaqatigiissutini maleruaqqusanit taaneqartuni allaanerusut malillugit.

Imm. 2. Soraarnerussutisiaqalernissamut aningaasaateqarfiup kattuffiit isumaqatigiissutaat imaluunniit isumaqatigiissutigisat tamaasa ataasiakkaarlugit akuersissutigeqqaartassavai katuffiit isumaqatigiissutaani imaluunniit isumaqatigiissutigisami pineqartut ilaasortanngortinneqannginneranni. Siulersuisut kattuffiit isumaqatigiissutaanik/isumaqatigiissutaasumik akuersinissaannut piumasaqataavoq kattuffiit isumaqatigiissutaanni/isumaqatigiissummi nutaami atugassarititaasut aningaasaateqarfimmut naapertuutinngitsumik artukkiinnginnissaat. Kattuffiit isumaqatigiissutaanni/isumaqatigiissummi soraarnerussutisiaqalernissamut akileeqaataassutit annertussusissaannut qaqugulu akilerneqartarnissaannut immikkut aalajangersakkanut tunngasut ilaassapput.

Imm. 3. Soraarnerussutisiaqalernissamut aningaasaateqarfimmi ilaasortaanissamut piumasaqataavoq soraarnerussutisiaqalernissamut aningaasaateqarfimmut akileeqaataassutinik akiliisoqarsimanissaa. Akiliisimaneq piffissamut ullup akiliiffigisap siornaniittumut tunngappat akiliisimaneq sioqqullugu qaammatip aallaqqaataani soraarnerussutisiaqalernissamut aningaasaateqarfimmut ilaasortanngorneq atuutilissaaq. Piffissami ulloq ilaasortanngorfiusoq sioqqullugu akileeqaataassutitit akiliutigineqartarsimasut utoqqalilluni soraarninngornissamut ataatsikkut akiliutigineqarlutik ilanngunneqassapput.

## § 2. Paasissutissiinissamut pisussaaffik

Ilaasortat – aamma allat soraarnerussutisiaqalernissamut aningaasaateqarfimmit pissarsiaqar-nissamut pisinnaatitaaffeqartut – pisussaataitaaffeqarput paasissutissat, nalunaarutit, uppernar-saatit il.il. tamaasa tunniutissallugit tamakkununnga tunngatillugu siulersuisut naliliippata, so-raarnerussutisiaqalernissamut aningaasaateqarfiup soraarnerussutisiaqalernissamut neriorsui-nermi imaluunniit soraarnerussutisianik tunniussinissamut atatillugu pingaaruteqartuusut, ta-makkununnga ilanngullugit aappariinnermi inissisimaneq (katissimaneq kisimiittuunerluunniit), pisortanit ikiuutisinissamut qinnuteqaat imaluunniit ikiorserneqartarnermut uppernarsaat, to-qusoorsimaneq il.il. tunniutissavaat.

Imm. 2. Paasissutissat pisariaqartut tunniunneqanngippata siulersuisut aalajangissavaat paa-sissutissat tunniunneqanngitsut soraarnerussutisiassanut tunniunneqartartussanut il.il. qanoq kinguneqassanersut.

## § 3. Soraarnerussutisiaqalernissamut akileeqataassutit

Soraarnerussutisiaqalernissamut aningaasaateqarfik qaqugukkulluunniit aalajangiinissaminut pisinnaatitaaffeqarpoq soraarnerussutisiaqalernissamut akileeqataassutinik akiliisarnerup qa-noq ingerlanneqarnissaanik aalajangersaanissamut. Soraarnerussutisiaqalernissamut akileeqa-taassutip annertussusia aalajangerneqarnissaanut maleruagassaq pingaarneq tassaavoq ilaasortap aamma ilaasortap sulisitsisuata akornanni isumaqatigiissuteqarneq. Ilaasortanut isu-maqatigiissummi ilaatinneqartunut imaluunniit suliffeqarfimmi soraarnerussutisiaqalernissamut isumaqatigiissuteqarsimasunut, takuuk § 1, soraarnerussutisiaqalernissamut akileeqataassut minnerpaamik kattuffiit isumaqatigiissutaanni/suliffeqarfimmi soraarnerussutisiaqalernissamut isumaqatigiissummi annertussusissatut aalajangerneqarsimasoq tunngavigalugu annertussusi-lerneqassaaq.

Imm. 2. Nammineq piumassutsimik akiliuteqartarneq, tak. § 6, imatut pisassaaq, ilaasortaq soraarnerussutisiaqalernissamut aningaasaateqarfimmi isumaqatigiissuteqassaaq, tassa ilaasortap aningaaseriviata, kontumut soraarnerussutisiaqalernissamut aningaasaateqarfiup ilisimatitsissutigisimasaanut, soraarnerussutisiassatut akileeqataassutissatut isumaqatigiissu-taasoq nuuttassavaa.

## § 4. Soraarnerussutisiaqalernissamut aningaasaateqarfimmit pisartakkat

Soraarnerussutisiaqalernissamut aningaasaateqarfiup soraarnerussutisiassatut pisartagarititai, pensionsregulativimi matumani atugassarititaasut aamma piumasaqaatit tunngavigalugit pisartagarititai tassaapput i:

1. Utoqqalinermi pensionisiassat, takuuk § 10.
2. Perulunnermik nappaatit ilaannut sillimmasiinnermut matussusiineq, takuuk § 12.
3. Ileqqaakkanik qulakkeerinninneq (depotsikring) aamma toqunissamut matussusiineq/sillim-masiineq, takuuk § 11.
4. Sulisinnaassuseqarnermik piginnaasaqarnermik annaasaqarnermut atatillugu pisartagaqarneq aamma soraarnerussutisiaqalernissamut akileeqataassutit taartaat, takuuk § 9.

Imm. 2. Ilaasortat akileeqataassutininik akilersuinngikkallartut, takuuk § 5, makkuninnga pisartagaqanngillat: 2. Perulunnermik nappaatit ilaannut sillimmasiinermut matussusiineq, 3. aamma toqunissamut matussusiineq/sillimmasiineq, tassa ileqqaakkanut qulakkeerinnineq atuutiinnarmat, 4. Sulisinnaassuseqarnermik annaasaqarnermut atatillugu tunniussineq aamma soraarnerussutisiaqalernissamut akileeqataassutininik taarsiineq.

### **§ 5. Akileeqataasarnermut pisussaaffiup uninnera (ilaasortat akilersuinngikkallartut)**

Akileeqataassutininik akiliisarneq § 3 naapertorlugu unippat, taava ilaasortaq ilaasortatut akilersuinngikkallartutut inissisimalissaaq soraarnerussutisiaqarsinnaatitaalluni soraarnerussutisiaqalernissamut aningaasaateqarfimmi ilaasortap depotimini uninngasuutaasa naatsorsorneqarnerat tunngavigalugu.

Imm. 2. Ilaasortap akilersuinngikkallartup aningaasat depotiani uninngasuutai § 16, imm. a-mi aningaasanit aalajangerneqarsimasunit ikinneruppata, taava tamakkerlugit ataatsikkut tunniunneqarsinnaapput imaluunniit soraarnerussutisiaqalernissaaq pillugu aqqissuussinermut allamut nuunneqarsinnaallutik. Tamanna pissaaq akitsuutigisaaq ilanngaatinagu, tassa siulersuisut, takuuk § 16, imm. c, aalajangersimasinnaasaat.

Imm. 3. Akilersuinngikkallartutut ilaasortaanermut ikaarsaarneq siusinnerpaamik pisinnaavoq soraarnerussutisiaqalernissamut aningaasaateqarfimmit tamanna pillugu nalunaaruteqarnerup kingornatigut qaammatip aallaqqaataaniit, tamannalu pissaaq akileeqataassutininik akiliuteqartarnerup uninnerata kingornatigut kingusinnerpaamik ullut 60-it qaangiunneranni.

Imm. 4. Nalunaaruteqarnermut atatillugu ilaasortaq ilisimatinneqassaaq nammineq piumassut-siminik akilersuisinnaanermut aamma akileeqataassutininik akiliisarnissamut sillimmaserneqar-nissaminut periarfissaqartoq, takuuk § 6, aamma ilaasortanut akilersuinngikkallartunut matusissutissaaq, takuuk § 7.

### **§ 6. Nammineq piumassutsimik akiliisarneq**

Ilaasortaq pisinnaatitaavoq soraarnerussutisiaqalernissamut akileeqataassutininik amerlanerusu-nik sulisitsisuni aqutigalugu nammineq akeqataassutini qaffallugu akiliinissaminut, tamanna pisinnaavoq akileraartarnermut inatsimmi killiussat iluanni.

Akileeqataassutininik akiliisarneq § 3 tunngavigalugu unippat ilaasortap toqqarsinnaavaa nammi-neerluni akileeqataassutininik akiliisarnermigut akilersuiinnarnissani.

Imm. 2. Soraarnerussutisiaqalernissamut nammineq piumassutsimik akileeqataassutit akiler-neqartassapput qaammatit tamaasa kingumoortumik. Soraarnerussutisiaqalernissamut ani-ngaasaateqarfimmut akiliineq § 6, imm. 1, naggatit aappaat tunngavigalugu, pisassaaq § 3, imm. 2. tunngavigalugu.

## **§ 7. Ilaasortanut akilersuinngikkallartunut matussusiineq**

Akileeqataassutininik akiliisarneq, § 3 naapertorlugu unippat, tamanna tikillugu pisartakkat takuuk § 4, imm. 1 nr. 2, 3 aamma 4, kingullermi akileeqataassutininik akiliinerup kingornatigut ulluni 60-ini atuutissapput. Pisartakkat, takuuk § 4, imm. 1 nr. 1, atorunnaassanngillat.

Imm. 2. Akileeqataasarneq sulisinnaassuseqarnermik annaasaqarnermik § 9 naapertorlugu pissuteqartumik unippat, taava tamanna tikillugu pisartakkat pigiinnarneqassapput, tassa sulisinnaassuseqarnermik annaasaqarnermi pisartagaqarsinnaanermut pisinnaatitaaffeqarneq naatserlugu.

## **§ 8. Soraarnerussutisiaqalernissamut aningaasaateqarfimmut imaluunniit aningaasaateqarfimmit allamit ikaarsaarneq**

Atorfimmut allamut ikaarsaarnermi tassani soraarnerussutisiaqalernissamut aningaasaateqarfimmut sillimmasiissuteqarnermik tunngaveqartumik soraarnerussutisiaqalernissamut aqqissuussinermit ilaasortaanissaq pisussaaffiulluni, imaluunniit naalagaaffimmi kommunimiluunniit tjenestemanditut atorfeqalernermit ikaarsaarnermi taava ileqqaakkat (depot) akitsuut, takuuk § 16 imm. c, ilanngaatigereerlugu aqqissuussinermit nutaamut nuunneqarsinnaapput soraarnerussutisiaqalernissamut qaffaassutissutut akiliutigalugit, piumasaqaataavorli siulersuisunit akuersissutigineqarsimasumik aningaaserivimmut pineqartumut nuussinissamut isumaqatigiissuteqartoqarsimaneq.

Stk. 2. Atorfimmit allamit ikaarsaarnermi, tassani ilaasorta q sillimmasiissuteqarnermik tunngaveqartumik soraarnerussutisiaqalernissamut aqqissuussinermit imaluunniit soraarnerussutisiaqalernissamut aningaasaateqarfimmi aqqissuussinermit pinngitsoornani ilaasortaasimalluni, imaluunniit naalagaaffimmi kommuniniluunniit tjenestemanditut atorfimiit ikaarsaaraanni aningaasat tunniunneqartussaasinnaasut soraarnerussutisiaqalernissamut pisartagassat soraarnerussutisiaqalernissamut aningaasaateqarfimmut pitsanngorsaatisatut akiliutigineqarsinnaapput.

## **§ 9. Sulisinnaassusermik piginnaasaqarnermik annaasaqarnermut atatillugu pisartagaqarneq aamma soraarnerussutisiaqalernissamut akileeqataassutit taartaat**

Ilaasortap sulisinnaanermut pisinnaanera napparsimanermik imaluunniit ajutoornermik pissuteqartumik pingajorarterutaanut imaluunniit taanna ataallugu appartinneqarpat, taava napparsimalernermit nalunaaruteqarneq sioqqullugu qaammatini 24-ini kingullerni qaammammut akiliutigisartakkat agguaqatigiissillugit pisartagassatut qaammatit tamaasa tunniunneqassapput (soraarnerussutisiaqalernissamut akileeqataassutit taartaat), taakkunannga ilanngaatigineqassapput sulisinnaassuseqarnermik annaasaqarsimanermut, toqusoqarsimaneranut aamma Perulunnermik nappaatit ilaannut akiliutissanut akiliutaasarsimasut. Akileeqataasannginneq atuutilissaaq toqusoqartillugu aamma Perulunnermik nappaatit ilaannut sulii sillimmaserneqarsimanissamut.

Imm. 2. Ilaasortap sulisinnaassuseqarnera pingajorarterummut imaluunniit tassanga annikinerusumut napparsimanermik imaluunniit ajutoornermik pissuteqartumik annikillippat, pisartakkat suliffeqarfimmi soraarnerussutisiaqalernissamut isumaqatigiissutaani imaluunniit kattufiup isumaqatigiissutaani aalajangersarneqarsimasut tunngavigalugit tunniunneqartassapput

(sulisinnaassusermik piginnaasaqarnermik annaasaqarnermut atatillugu pisartagaq).

Imm. 3. Pisartakkat imm. 1 aamma imm. 2 naapertorlugit qaammammoortumik siumut tunniunneqartassapput sulisinnaassuseqarnerup annikillinera kipisaqataannngitsumik qaammatit pingasut atuutiinnarsimappat ullormi tassanngaanniit aallartittumik.

Imm. 4. Ilaasortaq imm. 1 aamma 2 naapertorlugit pisartagaqarsinnaavoq Utoqqalinersiaqar-neq pillugu Inatsisartut Inatsisaanni ukiut utoqqalinersiaqalerfiusut pillugit aalajangersakkat qaqugukkulluunniit atuuttut angunissaasa tungaanut, taamaattorli imm. 7 mianerineqassaaq.

Imm. 5. Ilaasortap aningaasarsiani tamakkerlugit pigiinnarpagit pisartakkat sulisitsisuanut tunniunneqartassapput.

Imm. 6. Pisartakkat, imm. 1 aamma imm. 2 naapertorlugit, unitsinneqassapput tamatumunnga piunnaasaqataasut atuukkunnaarpata. Soraarnerussutisiaqalernissamut Aningaasaateqarfiup qaqugukkulluunniit piunnaasaqatigisinnaavaa uppernarsaat, tassa ilaasortap sulisinnaassuseqarnerminik annaasaqarnerata pisartaqarsinnaanerup killinga tikillugu annikillismaneranut tunngasunik, tamatuminngalu naliliinissaminut paasissutissat pisariaqartutut isigisani soraarnerussutisiaqalernissamut aningaasaateqarfiup piunnaasaqatigisinnaavai.

Imm. 7. Ilaasortaq, imm. 1 aamma imm. 2 naapertorlugit, pisartagaqarpat tamatumunngalu ilutigitillugu Utoqqalenersiaqar-neq pillugu Inatsisartut Inatsisaanni ukiut utoqqalenersiaqalerfiusut pillugit aalajangersakkat amerlineqarlutik, kiisalu pisartagaqartitsinerit imm. 6-imi aalajangersakkat malitsigisaannik unitsinneqarnani, taava ilaasortap pisartaqar-nissamut pisinnaatitaaffeqalernerani utoqqalinersiaqalernissamut ukioritinneqartussatut atuussimasut anguneranni pisartagaqarnerit unitsinneqassapput.

Imm. 8. Soraarnerussutisiaqalernissamut akileeqataassutip taartaatut pisartagaq imm. 1 naapertorlugu § 16, imm. d-mi aningaasat amerlassusiannit ikinneruppat, taava pisartagaq ataasiaannartumik pisassatut tunniunneqassaaq.

## **§ 10. Utoqqalerner-mi pensionisiat**

Ilaasortaq utoqqaliner-mi pensionisianik tigusinnaanera aallartissinnaavoq Utoqqalenersiaqar-neq pillugu Inatsisartut Inatsisaanni ukiut utoqqalenersiaqalerfiusut pillugit aalajangersakkat qaqugukkulluunniit atuuttut angunigit.

Imm. 2. Utoqqaliner-mi pensionisiat qaammatikkaartumik pisartagaritinneqassapput ilaasortaq suli inuugallartillugu, taamaattorli sivikinnerpaamik ukiuni qulini. Utoqqalilluni pensionisianik pisartagaqarnerup aallartinneranit ukiut qulit siulliit ingerlanerisa nalaani ilaasortaq toquppat, pisartakkat sinneruttut ukiut qulit tikillugit ilanngullugillu ilaquuttamut qanigisamut imaluunniit salliutinneqarsimasumut allamut pisartagaritinneqassapput, § 11, imm. 1-imi aalajangersakkat malillugit.

Imm. 3. Utoqqaliner-mi pensionisiat § 16, imm. b-mi aningaasat amerlassusilerneqarnerannit ikinneruppata soraarnerussutisiassat ataatsikkut tamaasa tunniunneqassapput.

Imm. 4. Ilaasortaq soraarnerussutisiaqalernissamut akileeqaataassutit taartaat aamma sulisinnaassuseqarnermik annaasaqarnermut atatillugu pisartagaqartinneqarpat, takuuk § 9, taava ilaasortaq utoqqalilluni pensionisiassaminik pisartagaqarsinnaalissaaq, tassa soraarnerussutisiaqalernissamut akileeqaataassutit taartaat aamma sulisinnaassuseqarnermik annaasaqarnermut atatillugu pisartagaqarneq imm. 1-imi taaneqartumit utoqqalinersiaqalernissamut ukioritinneqartussanit siusinnerusukkut unippat § 9, imm. 7-ip kingunerisaanik.

### **§ 11. Toqnermi ilaqaakkanik qulakkeerinnineq (depotsikring) aamma toqusoqartillugu sillimmaserneqarneq**

Ilaasortaq toquppat utoqqalilluni soraarnerussutisiassanik pisartagaqalernissaq sulii aallartingitsoq, taava soraarnerussutisiaqalernissamut ileqqaakkat (depotsikring) tunniunneqassapput.

Ilaasortap soraarnerussutisiaqalernissamut toqqortaaniittut ilaasortap "qaninnerpaamik qanigisaanut" tunniunneqassapput, tassani malinneqarpoq forsikringsaftalelovens § 105, tassa imaappoq ilaasortap katissimallugu aapparisaanut, qitornaanut imaluunniit kingornussisaanut, taaneqartut tulleriiaarlugit, imaangippat ilaasortaq salliutinneqartussanik allanik toqqaasimalluni. Ilaasortaq qanigisaminik ilaqutaqangippat aamma ilaasortaq salliutinneqartussanik allanik toqqaasimanngippat, taava soraarnerussutisiaqalernissamut ileqqaakkat soraarnerussutisiaqalernissamut aningaasaateqarfimmut tunniunneqassapput.

Imm. 2. Soraarnerussutisiaqalernissamut toqqortat (depot) saniatigut tak. imm. 1 tunniunneqassapput pisartagaritinneqartussaq suliffeqarfimmi soraarnerussutisiaqalernissamut isumaqatigiissummi imaluunniit kattuffiup isumaqatigiissutaani aalajangersarneqarsimasoq, Utoqqalinersiaqarneq pillugu Inatsisartut Inatsisaanni ukiut utoqqalenersiaqalerfusut pillugit aalajangersakkat qaqugukkulluunniit atuuttut sulii angusimanagit ilaasortaq toquppat.

### **§ 12. Perulunnermik nappaatit ilaannut sillimmasiineq**

Ilaasortaq nakorsamit misissorneqarluni napparsimalluni peruluttoq paasineqarpat, qaammatip pineqartup naannginnerani ilaasortap, Utoqqalinersiaqarneq pillugu Inatsisartut Inatsisaanni ukiut utoqqalenersiaqalerfusut pillugit aalajangersakkat qaqugukkulluunniit atuuttut, sulii angusimanngippagit nappaataalu sillimasiinermut piumasaqaataasuni ukunani "Dækning ved visse kritiske sygdomme / Perulunnermik nappaatit ilaannut sillimmasiineq" sillimmaserneqartunut ilaappat, taava sillimmasiissutigineqarsimasoq suliffeqarfiup soraarnerussutisiaqalernissamut isumaqatigiissutaani imaluunniit kattuffiup isumaqatigiissutaani aalajangersarneqarsimasoq tunniunneqassaaq.

### **§ 13. Soraarnerussutisiat tunniunneqartarnerat**

Soraarnerussutisiat qaammatikkuutaartumik siumoortumik tunniunneqartassapput kingullerpaamillu tunniunneqassallutik soraarnerussutisiassaqarnermut pisinnaatitaaffiup naanerani qaammatip aallaqqaataani.

#### **§ 14. Akileraarutit aamma akitsuutit**

Akileraarutaajunnartut aamma akitsuutaajunnartut soraarnerussutisiassanit ilanngaatineqasapput tamakku pillugit maleruaqqusat qaqugukkulluunniit atuuttut naapertorlugit.

#### **§ 15. Naatsorsuinermit tunngaviusoq**

Naatsorsuinermit tunngaviusoq siulersuisut aalajangertassavaat soraarnerussutisiaqalernissamut aningaasaateqarfiup aktuariala isumasioqatigereerlugu.

Imm. 2. Naatsorsuinermit tunngaviusoq ilusilerneqassaaq angutit aamma arnat assigiimmik pissarsisartussanngorlugit, kiisalu pisartagaritinneqartut ilanngunnermi qanoq peqqissuseqarnermut attuumassuteqarunnaarsillugit. Taamaattorli perulunnermik nappaatit ilaannut sillimmasiinermit, toqusoqartillugu sillimmasiinermit aamma sulisinnaassuseqarnermik annaasaqarnermi pisartagaqarnermut piunasaqaateqartoqarsinnaavoq, peqqissutsimut paasissutissat naammaginartut soraarnerussutisiaqalernissamut aningaasaateqarfiup naliliinera naapertorlugu tassani aalajangiisussaallutik.

#### **§ 16. Iluarsiiisuteqartarnermit aalajangersakkat**

Soraarnerussutisiaqalernissamut aningaasaateqarfiup siulersuisuisa aningaasat killissaat makku aalajangersassavaat:

- a. Akilersuiunnaarallarnermit ikaarsaarnerup nalaani ilaasortap ileqqaagaasa (depot) ikinnerpaaffissaat.
- b. Soraarnerussutisiatut ataavartumik tigusartakkat ikinnerpaaffissaat.
- c. Ileqqaat (depot) nuunneqarnerannut akitsuutit.
- d. Soraarnerussutisiaqalernissamut akileeqataassutit taartaannut aningaasat ikinnerpaaffissaat.

#### **§ 17. Regulativimit allaanerusumik atugassaqartitsisinnaaneq**

Siulersuisut ilaasortanngornermit ataatillugu ilaasortanut nutaanut akuersissutigisinnaavat soraarnerussutisiaqalernermit pisartagaasa regulativimi aalajangersakkanit allaanerusinnaanerit, tamanna imaappat ilaasortaareersunut nalorninartoqarsinnaanerit tunngaviusut imalluunniit pissutsit allanut tunngasut allanngortinneqartussanngorsinnaanatik.



## § 18. Atuutilersinneqarfia

Pensionsregulativi manna atortuulersinneqarpoq 1. januaari 2021, aamma maanna tikillugu pensionsregulativi atuuttoq tamakkiisumik taarserlugu.

Akuersissutigineqarpoq siulersuisut ataatsimiinnerani ulloq 11. novembari 2020.

Jess G. Berthelsen (Siulittaasoq)

Ludvig Larsen

Sofie Svendsen

Torben S. Jørgensen

Josef Therkildsen

Else Jonna Villadsen

Karsten Lyberth-Klausen

Kunuk Olsen

Torben Aasberg